

李商隱字義山懷州人李勣之後文宗開成二年
登進士第調弘農尉王茂元表掌書記以子妻
之除侍御史令狐楚愛其詩才奏爲集賢校理
後爲檢校吏部員外郎歸滎陽卒有樊南甲集
二十卷乙集二十卷並傳商隱爲文章瑰邁奇
古長於律詩詠史尤精與溫庭筠等號三十六
體自稱玉溪子云亦號曰西崑體



李商隱詩集目錄

五言古

戊辰會靜中出貽同

和鄭愚贈汝陽

驕兒詩

行次西郊

井泥四十韻

戲題樞言草閣

李肱所遺畫松詩書

宮中曲

代越公房妓嘲公主


代貴公主

房中曲

效長吉

無題

春風



七言古

韓碑

七月二十八日夜

代贈

贈荷花

無愁果有愁曲

射魚曲

日高

海上謠

景陽宮井雙桐

燕臺四首

河內詩二首

偶成轉韻七十二句

燒香曲

安平公詩

無題

河陽詩

李夫人

五言律

石城

風雨

離思

寄羅劭興

令狐舍人

贈崔處士

自喜

異俗二首

歸墅

楚澤

蟬

江亭散席

哭劉司戶三首

街西池館

鄂杜馬上念漢書

柳

聞著明凶

桂林

陳後宮

屬疾

明日

西溪

贈柳

詭柳

北禽

槿花二首

朱槿花二首

蝶二首

蠅蝶鷄麝鸞鳳

韓翃舍人即事

公子

子初全溪作

楊本勝說於長安

越鷺二首

少將

桂林路上作

無題

落花

月

贈宗魯印竹杖

垂柳

李花

壬申七夕

雨

菊

北樓

擬沈下賢

蝶

牡丹

曉坐

扶風界見梅花

判春

荷花

曉起

清河

壽安公主出降

明禪師院肅從兄

寄裴衡

卽日

淮陽路

晚晴

迎寄韓魯州詹同年

風

洞庭魚

喜舍弟羲叟及第

哀箏

自南山北歸

深樹見一顆櫻桃尚在

小桃園

和張秀才落花有感

昭肅皇帝挽歌辭

齊梁晴雲

效徐陵體贈更衣

又效江南曲

所居

高松

訪秋

昭郡

裴明府居止

陸發荆南始至商洛

陳後宮

樂遊

贈子直花

小園獨酌

思歸

獻寄舊府開封公

向晚

春游

離席

徘徊

細雨

商於新開路

題鄭大有隱居

夜飲

江上

涼思

鸞鳳

因書

奉寄安國太師

閒遊

題李上暮壁

江村題壁

即日

秋日晚思

春宵自遣

七夕偶題

幽居冬暮

過姚孝子廬偶書

寒食行次冷泉驛

寄華嶽孫逸人

撰彭陽公誌

北青蘿

幽人

過故崔交海宅

故番禺侯以贓罪

詠雲

夜出西溪

九月於東逢雪

僧院牡丹

送豐都李尉

訪隱

寓興

歸來

子直晉昌李花

河清與趙氏昆季

寓目

登霍山驛樓

寄和水部馬郎中

思賢頓

有懷在蒙飛卿

春深脫衣

懷求古翁

五月六日夜

城上

如有

晉昌晚歸馬上贈

清夜怨

無題

無題

無題

五言排律

贈送前劉五經

哭遂州蕭侍郎

送千牛李將軍

詠懷寄秘閣

憶雪

殘雪

太鹵平後移家

自桂林奉使

送從翁從東川

五言述德抒情

今日二日不自量度

夜思

寓懷

木蘭

細雨成詠

病中聞河東公

擬意

謝往桂林

送從翁從東川

哭虔州楊侍郎

寄太原盧司空

垂柳

和孫朴韋蟾

商於

馮令狐郎中

碧瓦

西溪

玄微先生

武侯廟古栢

謝先輩防記

別薛巖賓

腸

杏花

燈

獨居有懷

酬別令狐補闕

有感二首

崇讓宅東亭

卽日

鏡檻

聖女祠

魏侯第東北樓堂

靈仙閣晚眺寄鄆州

賦得月照水池詩

永樂縣所居

南潭上亭讌集

搖落

戲贈張書記

念遠

賦得桃李無言

喜雪

七言律

錦瑟

題僧壁

潭州

贈劉司戶蕢

南朝

送崔珏往西川

飲席戲贈同舍

令狐八拾遺

寄令狐學士

哭劉司戶蕢

荆門西下

少年

藥轉

杜工部蜀中離席

隋宮

二月二日

籌筆驛

卽日

九成宮

詠史

無題

無題

赴職梓潼留別畏之

王十二兄與畏之

曲池

留贈畏之

無題

碧城二首

對雪二首

蜂

辛未七夕

玉山

牡丹

一片

酬崔八早梅

馬嵬

可歎

富平少侯

聖女祠

重過聖女祠

臨發崇讓宅紫微

及第東歸

野菊

過伊僕射舊宅

銀河吹笙

與同年李定言曲水

聞歌

贈華陽宋真人

楚宮

和友人戲贈二首

題二首後重有感贈

重有感

春雨

中元作

楚宮

宿晉昌亭聞鶯禽

深宮

鄭州獻從叔舍人褭

題白石蓮華

安定城樓

隋宮守歲

利州江潭作

茂陵

淚

十字水期韋潘侍御

流鶯

出關宿盤豆館

和韓錄事送宮人

七月二十九日

贈從兄閔之

行至金牛驛

梓州罷吟寄同舍

無題二首

昨日

汴上送李鄩之蘇州

贈鄭謙處士

復至裴明府所居

覽古

子初郊墅

漢南書事

當句有對

井絡

寫意

隨師東

宋玉

韓同年新居

奉和太原公

贈趙協律暫

正月崇讓宅

曲江

柳

九日懷令狐楚府主

贈司勳杜十三

天平公座中

題道靖院

題小栢

行次昭應縣道上

水齋

奉同諸公題河中

過故府中武威公

贈田叟

贈別前蔚州

和人題真娘墓

人日卽事

春日寄懷

和劉評事

和馬郎中

喜聞太原同院

無題

回中牡丹為雨所敗

促漏

五言絕句

悼傷後赴東蜀

樂遊原

巴江柳

聽鼓

憶梅

柳下暗記

妓席

風

張惡子廟

百果嘲櫻桃

櫻桃答

襪

追代盧家人嘲堂內

代應

早起

細雨

歌舞

房君珊瑚散

嘲櫻桃

自况

蝶

夜意

李夫人二首

滯雨

微雨

高花

嘲桃

錢席重送從叔余

柳枝五首

漫成二首

天涯

七言絕句

霜月

人欲

華山題王母祠

華清宮

北齊二首

復京

渾河中

咸陽

同崔八詣藥山

夜雨寄內

石榴

初起

柳

宿駱氏亭

夢澤

贈歌妓二首

謝書

寄令狐郎中

漫成

無題

杜司勳牧

岳陽樓二首

寄成都高苗二從事

屏風

春日

漢宮詞

贈白道者

隋宮

代應

席上作

訪隱者不遇

破鏡

無題

贈庾十二朱版

柳

三月十日流盃亭

過招國李家南園

為有

公子

賦得鷄

明神

壬申閏秋題贈烏鵲

端居

夜半

飲席代官妓

代魏宮私贈

代元城吳令暗為答

詠史

日射

題鵞

華清宮

梓潼望長卿山

齊宮詞

青陵臺

東還

蜀桐

漢宮

江東

讀任彥昇碑

五松驛

灞岸

送臻師二首

七夕

望喜驛別嘉陵江水

贈宇文丞相

閨情

月夕

代應

離亭賦得折楊柳

寄永道士

華州周大夫宴席

荆山

次陝州先寄源從事

過鄭廣文舊居

東下三旬

莫愁

夢令狐學士

涉洛川

有感

宮妓

宮辭

代贈二首

楚吟

瑤池

柳

寄在朝鄭曹獨孤李

南朝

題漢祖廟

韓冬郎即日為詩

評事翁

東阿王

過景陵

板橋曉別

關門柳

彭城公薨後贈

夕陽樓

鴛鴦

妓席暗記送同年

武夷山

一片

寄成都高苗二從事

西南行却寄相送者

四皓廟

相思

送鄭大台文南觀

舊頓

代董秀才却扇

有感

驪山有感

別智玄法師

贈孫綺新及第

代秘書贈弘文館

亂石

日日

過楚宮

龍池

卽日

吳宮

嫦娥

殘花

天津西望

西亭

憶住一師

昨夜

海客

初食笋呈座中

寄蜀客

海上

白雲夫舊居

同學彭道士參寥

到秋

華師

華嶽下題西王母廟

過華清內廐門

樂遊原

丹丘

鳳

病中早訪招國

櫻桃花下

故驛迎吊

槿花

暮秋獨游曲江

任弘農尉

贈勾芒神

月夜重寄宋華陽

訪人不遇

雨中長樂水館

池邊

賈生

送王十三校書分司

寄惱韓同年

謁山

釣天

失猿

戲題友人壁

假日

寄遠

王昭君

舊將軍

曼倩辭

李衛公

韋蟾

縣中惱飲席

漫成五章

戲題贈稷山驛

花下醉

所居永樂縣

正月十五夜

偶題二首

月

夜冷

城外

南山趙行軍

景陽井

四皓廟

送阿龜歸華

木蘭花

東南

江上憶嚴五廣休

定子

楚宮

馬嵬

無題二首

無題

和韋潘前輩

蝶二首

李商隱詩集

五言古

戊辰會靜中出貽同志二十韻

大道諒無外會越自登真丹元子何索在已莫問


鄰舊璨玉琳華翱翔九真君戲擲萬里火聊召六

甲旬瑤簡被靈誥持府開七門金鈴攝群魔絳節

何粦粦吟弄東海若倚笑扶桑春三山試迴視九

州揚一塵我本玄元胄稟華由上津中迷鬼道樂

沉為下土民託質屬太陰鍊形復為人誓將覆官



目錄終

澤安此真與神龜山有慰薦南真爲彌綸玉管會
玄圃火棗承天姻科車遏故氣侍香傳靈芬飄颻
被青霓婀娜佩紫紋林洞何其微下仙不與群丹
泥因未控萬劫猶逡巡荆蕪旣以難舟壑永無因
相期保妙命騰景侍帝宸

和鄭愚贈汝陽王孫家箏妓二十韻

水霧怨何窮秦絲嬌未已寒空烟霞高白日一萬
里碧嶂愁不行濃翠遙相倚茜袖捧瓊姿皎日丹
霞起孤猿耿幽寂西風吹白芷迴首蒼梧深女蘿
閉山鬼荒郊白鱗斷別浦晴霞委長鈞壓河心白
道連地尾秦人昔富家綠窓闈妙旨鴻驚鴈背飛
象牀殊故里因令五十絲中道分官徵斗粟配新
聲娣姪徒織指風流大堤上悵望白門裏蠹粉實
雌絃燈光冷如水羌管促蠻柱從醉吳宮耳滿內
不掃眉君王對西子初花慘朝露冷臂淒愁髓一
曲送連錢遠別長於死玉砌銜紅蘭粧窓結碧綺
九門十二關清晨禁桃李

驕兒詩

成將養如探疾兒當速成大疇雛入虎窟當爲萬
戶侯弗守一輕裘

行次西郊作一百韻

蛇年建午月我自梁還秦南下大散嶺北濟渭之
濱草木半舒圻不類冰霜晨又若夏苦熱焦卷無
芳津高田長槲櫪下田長荆榛農具弃道旁饑牛
死空墩依依過村落十室無一存存者皆面啼無
衣可迎賓始若畏人問及門還具陳右輔田疇薄
斯民嘗苦貧伊昔稱樂土所賴牧伯仁官清若冰

玉吏善如六親生兒不遠征生女事四隣濁酒盈
瓦缶爛穀堆荆困健兒疵旁婦衰翁舐童孫况自
貞觀後命官多儒臣例以贖牧伯徵入司陶鈞降
及開元中姦邪撓經綸晉公忌此事多錄邊將勲
因令猛毅輩雜牧昇平民中原遂多故除授非至
尊或出倖臣輩或由帝戚恩中原因屠解奴隸厭
肥豚皇子弃不乳椒房抱羗渾重賜竭中國強兵
臨北邊控絃二十萬長臂皆如猿皇都三千里來
往同彫鳶五里一換馬十里一開筵指顧動白日

煖熱迴蒼旻公卿辱嘲叱唾棄如糞
九大朝會萬方天子正臨軒
綵旂轉初旭玉座當祥烟
金障旣特設珠簾亦高褰
將須蹇不顧坐在御榻前
忤者死艱屢附之昇頂顛
華侈矜遞街豪俊相併吞
因失生惠養漸見徵求頻
奚寇西北來揮霍如天翻
是時正忘戰重兵多在邊
列城遶長河平明插旗幟
但聞虜騎入不見漢兵屯
大婦抱兒哭小婦攀車轡
生小太平年不識夜閉門
少壯盡黠行疲老守空村
生分作死誓揮淚連秋雲
廷臣例麀怯諸

將如羸奔爲賊掃上陽捉人送潼關
玉輦望南斗未知何日旋
誠知開闢久邁此雲雷屯
送者問鼎大存者要高官
捨攘牙間謀孰辯梟與鸞
千馬無返轡萬車無還轅
城空雀鼠死人去豺狼喧
南資竭吳越西費失河源
因令右藏庫摧毀惟空垣
如人當一身有左無右邊
筋體半痿痺肘腋生臊膻
列聖蒙此恥含懷不能宣
謀臣拱手立相戒無敢先
萬國困杼軸內庫無金錢
健兒立霜雪腹歎衣裳單
饋餉多過時高估銅與鉛
山東望河北爨烟

猶相聯朝廷不假給辛苦無半年行人權行資居
者稅屋椽中間遂作梗狼籍用戈鋌臨門送節制
以錫通天班破者以族滅存者尚遷延禮數異君
父羈縻如羗零直求輸赤城所望大體全巍巍政
事堂宰相厭八珍敢問下執事今誰掌其權瘡疽
幾十載不敢扶其根國蹙賦更重人稀役彌繁近
年牛醫兒城社更拔緣盲目把大旆處此京西藩
樂禍忘怨敵樹黨多狂狷生爲人所憚死非人所
憐快刀斷其頭列若猪牛懸鳳翔二百里兵馬如

黃巾夜半軍牒來屯兵萬五千鄉里駭供億老少
相拔牽兒孫生未孩弃之無慘顏不復議所適但
欲死山間爾來又三歲甘澤不及春盜賊亭午起
問誰多窮民節使殺亭吏捕之恐無因咫尺不相
見早久多黃塵官健腰佩弓自言爲官巡常恐值
荒迥此輩還射人媿客問本末願客無因循郿塢
抵陳倉此地忌黃昏我聽此言罷冤憤如相焚昔
聞舉一會群盜爲之奔又聞理與亂繫人不繫夫
我願爲此事君前剖心肝叩額出鮮血滂沱污紫

宸九重黯已隔滄泗空沾唇使典作尚書廝養爲
將軍慎弗道此言此言未忍聞

井泥四十韻

皇都依仁里西北有高齋昨日主人氏治井堂西
陸工人三五輩輦出土與泥到水不數尺積共庭
樹齊他日井甃畢用土益作堤曲隨林掩映繚以
池周迴下去冥冥穴上承雨露滋寄辭別地脉因
言謝泉扉昇騰不自意疇昔忽已乖伊余掉行鞅
行行來自西一日下馬到此時芳草萋四面多好

樹旦暮雲霞姿晚花落滿地幽鳥鳴柯枝蘿幄旣
已薦山樽亦可開待得孤月上如與佳人來因之
感物理惻愴平生懷茫茫此羣品不定輪與蹄喜
得舜可禪不以瞽瞍疑禹竟代舜立其父吁咈哉
羸氏并六合所來因不韋漢祖把左契自言一布
衣當途佩國璽本乃黃門攜長戟亂中原何方起
戎氏不獨帝王耳臣下亦如斯伊尹佐興王不藉
漢父資磻溪老釣叟坐爲周之師屠狗與販繒突
起定傾危長沙啓封土豈是出程姬帝問主人翁

有自賣珠兒武昌昔男子老苦爲人妻蜀王有遺
魄今在林中啼淮南鷄舐藥翻向雲中飛大鈞運
群有難以一理推願於冥冥內爲問乘者誰我恐
更萬世此事愈云爲猛虎與雙翅更以角副之鳳
凰不五色聯翼上鷄栖我欲秉釣者竭來與我偕
浮雲不相顧寥次誰爲梯悒快夜參半但歌井中
泥

戲題樞言草閣三十二韻

君家在河北我家在山西百歲本無業陰陰山李

枝尚書文與武戰罷幕府開君從渭南至我自仙
游來平昔苦南北動成雲雨乖逮今兩攜手對若
牀下鞋夜歸碣石館朝上黃金臺我有苦寒調君
抱陽春才年顏各少壯髮綠齒尚齊我雖不能飲
君時醉如泥政靜籌畫簡邊食多相攜掃掠走馬
路整頓射雉翳春風二三月柳密鶯正啼清河在
門外上與浮雲齊歆冠調玉琴彈作松風哀又彈
明君怨一去怨不迴感激坐者泣起視鴈行低翻
憂龍山雪却雜胡沙飛仲容銅琵琶項直聲淒淒

上貼金捍撥畫爲承露鷄君時卧棖觸勸客白玉
杯苦云年光疾不飲將安歸我賞此言是因循未
能諧君言中聖人坐卧莫我違榆莢亂不整楊花
飛相隨上有白日照下有東風吹青樓有美人顏
色如玫瑰歌聲入青雲所痛無良媒少年苦不久
顧慕良難哉徒令真珠脰裏入珊瑚腮君今且少
安聽我苦吟詩古詩何人作老大猶傷悲

李肱所遺畫松詩書兩紙得四十韻

萬草已涼露開圖披古松青山徧蒼海此樹生何

峰孤根邈無倚直立撐鴻蒙端如君子身挺若壯
士胷樛枝勢夭矯忽欲蟠拏空又如驚螭走默與
奔雲逢孫枝擢細葉旖旎狐裘茸鄒顛蓍髮軟麗
姬眉黛濃視久眩目睛倏忽變輝容竦削正稠直
婀娜旋敷峰只如洞房冷翠被張穹籠亦若暨蘿
女平旦粧顏容細疑襲氣母猛若爭神功燕雀固
寂寂霧露常衝衝重蘭媿傷暮碧竹慙空中可集
呈瑞鳳堪藏行雨龍淮山桂偃蹇蜀郡桑重童枝
修亮杪脆靈氣何由同昔聞咸陽帝近說嵇山儂

或著佳人號或以大夫封終南與青都烟雨遙相
通安知夜夜意不起西南風美人昔清興重之由
月鍾寶笥十八九香緹千萬重一旦鬼瞰室稠疊
張繵量赤羽中要害是非皆怱怱生如碧海月死
踐霜郊蓬平生握中玩散失隨奴僮我聞照妖鏡
及與神劔鋒寓身會有地不爲凡物蒙伊人秉茲
圖顧眄擇所從而我何爲者開懷捧靈蹤報以漆
鳴琴懸之真珠櫳是時方暑夏座內若嚴冬憶昔
謝駟騎學仙玉陽東千株盡若此路入瓊瑤宮口
瞳終期紫鸞歸持寄扶桑翁

宮中曲

雲母濾宮月夜夜白於水賺得羊車來低扇遮黃
子水精不覺冷自刻鴛鴦翅蠶縷茜香濃正朝纏
左臂巴牋兩三幅滿寫承恩字欲得識青天昨夜
蒼龍是

代越公房妓嘲徐公主

笑啼俱不敢幾欲是吞聲遽遣離琴怨都由半鏡
明應防啼與笑微露淺深情

代貴公主

芳條得意紅飄落忽西東分逐東風去風迴得故
叢明朝金井露始看憶春風

房中曲

薔薇泣幽素翠帶花錢小嬌郎癡若雲抱日西簾
曉枕是龍宮石割得秋波色玉簫失柔膚但見蒙
蘿碧憶得前年春未語悲含辛歸來已不見錦瑟

長埃塵今日澗底松明日山頭葉愁到天池翻相
看不相識

效長吉

長長漢殿眉窄窄楚宮衣錦好鸞空舞簾疎燕誤
飛君王不可問昨夜約黃歸

無題

八歲偷照鏡長眉已能畫十歲去踏青芙蓉作裙
袂十二學彈箏銀甲不曾卸十四藏六親懸知猶
未嫁十五泣春風背面一作鞦韆下

春風

春風雖自好春物太昌昌若教春有意唯遣一枝

芳我意殊

一作如

春意先春已斷腸

無題

近知名阿侯住處小江流腰細不勝舞眉長唯是
愁黃金堪作屋何不作重樓

五言古

終

李商隱詩集

七言古

韓碑

元和天子神武姿彼何人哉軒與羲誓將上雪列
聖恥坐法官中朝四夷淮西有賊五十載封狼生
驅驅生羆不據山河據平地長戈利矛日可麾帝
得聖相相日度晏子春秋仲尼聖相賊斫不死神扶持腰懸
相印作都統陰風慘淡天王旗愬武古通作牙爪
儀曹外郎載筆隨行軍司馬智且勇十四萬衆猶

虎貌入蔡斬誠獻太廟功無與讓恩不訾帝曰汝
度功第一汝從事愈宜爲辭愈拜稽首蹈且舞金
石刻畫臣能爲古者世稱大手筆此事不繫於職
司當仁自古有不讓言訖屢領天子願公退齋戒
坐小閣濡染大筆何淋漓點竄堯典舜典字塗改
清廟生民詩文成破體書在紙清晨再拜鋪丹墀
表曰臣愈昧死上詠神聖功書之碑碑高三丈字
如手負以靈鼈蟠以螭句奇語重喻者少讒之天
子言其私長繩百尺拽碑倒麓沙大石相磨治公

之斯文若元氣先時已入人肝脾湯盤孔齔有述
作今無其噐存其辭嗚呼聖皇及聖相相與烜赫
流淳熙公之斯文不示後曷與三五相攀追願書
萬本誦萬過口角流沫右手胝傳之七十有三代
以爲封禪玉檢明堂基

七月二十八日夜與王鄭二秀才聽雨夢後
作

初夢龍宮寶焰燃瑞霞明麗滿晴天旋成醉倚蓬
萊樹有箇仙人拍我肩少頃遠聞吹細管聞聲不

見隔飛烟逡巡又過瀟湘雨雨打湘靈五十絃
瞥見馮夷姝悵望鮫鮪休賣海爲田亦逢毛女無慘
極龍伯擎將華岳蓮恍惚無倪明又暗低迷不已
斷還連覺來正是平階雨未背寒燈枕手眠

代贈

楊柳路盡處芙蓉湖上頭雖同錦步障獨應鈿箜
篋鴛鴦可羨頭俱白飛去飛來烟雨秋

贈荷花

世間花葉不相倫花入金盤葉作塵惟有綠荷紅

菡萏卷舒開合任天真此花此葉長相映翠減紅
衰愁殺人

無愁果有愁曲北齊歌

東有青龍西白虎中含福星包世度玉壺渭水笑
清潭鑿天不到牽牛處麒麟踏雲天馬獐牛山撼
碎珊瑚聲秋娥點滴不成淚十二玉樓無數釘推
烟唾月拋千里十番紅桐一行死白楊別屋鬼迷
人空留暗記如蠶紙日暮向風吹短絲血凝血散
今誰是

射魚曲

思牢弩箭磨青石繡額蠻渠三虎力尋潮背日俟
泅鱗貝闕夜移鯨失色纖纖粉斝馨香餌綠鴨迴
塘養龍水含冰漢語遠於天何由迴作金盤死

日高

鍍環故錦縻輕施

一作施

玉篴不動便門鎖水精眠

夢是何人攔藥日高紅髮鬢飛香上雲春訴天雲
梯十二門九關輕身滅影何可望粉蛾帖死屏風
上

海上謠

桂水寒於江玉兔秋冷咽海底覓仙人香桃如瘦
骨紫鸞不肯舞蒲翅蓬山雪借得龍堂寬曉出撲
雲髮劉郎舊香炷立見茂陵樹雲孫帖帖卧秋烟
上元細字如蠶眠

景陽宮井雙桐

秋港菱花乾玉盤明月蝕血滲兩枯心情多去未
得徒經白門伴不見丹山客未待刻作人愁多有
魂魄誰將玉盤與不死翻相誤天更濶於江孫枝

覓郎主昔妬隣宮槐道顛雙眉歛今日繁紅櫻拋
人占長簾翠襦不禁綻留淚啼天眼寒灰却盡問
方知石羊不去誰相絆

燕臺詩四首

春

風光冉冉東西陌幾日嬌魂尋不得蜜房羽客類
芳心冶葉倡條徧相識暖藹輝遲桃樹西高鬟立
共桃枝齊雄龍雌鳳杳何許絮亂絲繁天亦迷醉
起微陽若初曙映簾夢斷聞殘語愁將鐵網罥珊

瑚海濶天翻迷處所衣帶無情有寬窄春烟自碧
秋霜白研丹擘石天不知願得天牢鑲冤魄夾羅
委篋單綃起香眠冷襯瑤瑤佩今日東風自不勝
化作幽光入西海

夏

前閣雨簾愁不卷後堂芳樹陰陰見石城景物類
黃泉夜半行郎空拓彈綾扇喚風聞闔天輕帷翠
幕波淵旋蜀魂寂寞有伴未幾夜瘴花開木縣桂
宮流影光難取嬌薰蘭破輕輕語直教銀漢墮懷

中未遣星妃鎮來去濁水清波何異源濟河水清
黃河渾安得薄霧起細裙手接雲斬呼太君

秋

月浪衝天天宇濕涼蟾落盡踈星入雲屏不動掩
孤嘖西樓一夜風箏急欲織相思花寄遠終日相
思却相怨但聞北斗聲迴環不見長河水清淺金
魚鏤斷紅桂春古時塵滿鴛鴦茵堪悲小苑作長
道玉樹未憐亾國人瑤瑟悄悄藏楚弄越羅冷薄
金泥重簾鈎鸚鵡夜驚霜喚起南雲繞雲夢雙瑞
丁丁聯尺素內記湘川相識處歌唇一試銜雨看
可惜馨香手中故

冬

天東日出天西下雌鳳孤飛女龍寡青溪白石不
相望堂中遠甚蒼梧野凍壁霜華交隱起芳根中
斷香心死浪乘畫舸憶蟾蜍月娥未必嬋娟子楚
管蠻絃愁一槩空城罷舞腰支在當時歡向掌中
銷桃葉桃根雙姊妹破鬟倭墮凌朝寒白玉燕釵
黃金蟬風車雨馬不持去蠟燭啼紅怨天曙

河內詩二首

樓上

鼉鼓沉沉虬水咽秦絲不上蠻絃絕嫦娥衣薄不
禁寒蟾蜍夜艷秋河月碧城冷落空濛烟簾輕幕
重金鉤欄靈香不下兩皇子孤星直上相風竿八
桂林邊九芝草短襟小髻相逢道入門暗數一千
春願去閏年留月小梳子交加香蓼繁停辛佇苦
留待君

湖中

閨門日下吳歌遠陂路綠菱香滿浦後溪暗起鯉
魚風船旗閃斷芙蓉榦傾身奉君畏身輕雙橈兩
槳樽酒清莫因風雨罷團扇此曲斷腸惟此聲低
樓小徑城南道猶自金鞍對芳草

偶成轉韻七十二句贈四同舍

沛國東風吹大澤蒲青柳碧春一色我來不見隆
準人瀝酒空餘廟中客征東同舍鴛與鸞酒酣勸
我懸征鞍藍山寶肆不可入玉中仍是青琅玕武
威將軍使中俠少年箭道驚楊葉戰功高後數文

章憐我秋齋夢蝴蝶詰旦元門傳奏章高車大馬
來煌煌路逢鄒枚不暇揖臘月大雪過大梁憶昔
公爲會昌宰我時入謁虛懷待衆中賞我賦高堂
廻看屈宋由年輩公事武皇爲鐵冠歷廳請我相
所難我時顛顛在書閣卧枕芸香春夜闌明年赴
辟下昭桂東郊慟哭辭兄弟韓公堆上跋馬時廻
望秦川樹如薺依稀南指陽臺雲鯉魚食釣猿失
群湘妃廟下巴春盡虞帝城前初日曛謝游橋上
澄江館下望山城如一彈鷓鴣聲苦曉驚眠朱槿

花嬌晚相伴頃之失職辭南風破帆壞槳荆江中
斬蛟破壁不無意平生自許非忽忽歸來寂寞靈
臺下著破藍衫出無馬天官補吏府中趨玉骨瘦
來無一把手封狴牢屯制囚直廳印鎖黃昏愁平
明赤帖使脩表上賀嫫姚收賊州舊山萬仞青霞
外望見扶桑出東海愛君憂國去未能白道青松
了然在此時聞有燕昭臺挺身東望心眼開且吟
王粲從軍樂不賦淵明歸去來彭門十萬皆雄勇
首戴公恩若山重廷評日下握靈蛇書記眠時吞

綵鳳之子夫君鄭與裴何甥謝舅當世才青袍白
簡風流極碧沼紅蓮傾倒開我生麤踈不足數梁
父哀吟鵠鴒舞橫行濶視倚公憐狂來筆力如牛
弩借酒祝公千萬年吾徒禮分常周旋收旗卧鼓
相天子相門出相光青史

燒香曲

鈿雲蟠蟠牙比魚孔雀翅尾蛟龍鬚漳宮舊樣博
山鑪楚嬌捧笑開芙蓉八蠶繭絲小分炷獸燄微
紅隔雲母白天月澤寒未冰金虎含秋向東吐玉

珮呵光銅照昏簾波日暮衝斜門西來欲上茂陵

樹栢梁已失裁

一作栽

桃魂露庭月井大紅氣輕衫

薄袖當君意蜀殿瓊人伴夜深金鑿不問殘燈事
何當巧吹君懷度襟灰爲土填清露

安平公詩

故贈尚書韓氏

丈人博陵王名家憐我總角稱才華華州留語曉
至暮高聲喝吏放兩衙明朝騎馬出城外送我習
業南山阿仲子延岳年十六面如玉欹烏紗其
弟炳章猶兩州瑤林瓊樹含奇花陳留阮家諸姓

秀邁迤出拜何駢羅府中從事杜與李麟角虎翅
相過摩清詞孤韻有歌響擊觸鍾磬鳴環珂三月
石堤凍銷釋東風開花滿陽坡時禽得伴戲新木
其聲尖咽如鳴梭公時載酒領從事踴躍鞍馬來
相過仰看樓殿聳清漢坐視世界如恒沙面熱脚
掉互登陟青雲表柱白雲崖一百八句在貝葉三
十三天長雨花長者子來輒獻蓋辟支佛去空留
韞公時受詔鎮東魯遣我草詔隨車牙顧我下筆
卽千字疑我讀書傾五車嗚呼大賢苦不壽時世

方士無靈砂五月至止六月病遽頽泰山驚逝波
明年徒步吊京國宅破子毀哀如何西風衝戶卷
素帳隙光斜照舊燕窠古人常歎知己少况我淪
賤艱虞多如公之德世一二豈得無淚如黃河瀝
膽呪願天有眼君子之澤方滂沱

無題

何處哀箏隨急管櫻花永巷垂楊岸東家老女嫁
不售白日當天三月半溧陽公主年十四清明暖
後同墻看歸來展轉到五更梁間燕子聞長嘆

河陽詩

黃龍搖溶天上來玉樓影近中天臺龍頭瀉酒客
壽盃主人淺笑紅玫瑰梓澤東來七十里長溝復
塹埋雲子可惜秋眸一鬢光漢陵走馬黃塵起南
浦老魚腥古涎真珠密字芙蓉篇湘中寄到夢不
到衰容自去拋涼天憶得蛟絲裁小卓蛺蝶飛迴
木絲薄綠綉笙囊不見人一口紅霞夜深嚼幽蘭
泣露新香死畫圖淺縹松溪水楚絲微覺竹枝高
半曲新辭寫絲紙巴西夜市紅守宮後房點臂斑

斑紅堤南渴鴈自飛久蘆花一夜吹西風曉簾串
斷蜻蜓翼羅屏但有空青色玉灣不釣三千年蓮
房暗被蛟龍惜濕銀注鏡井口平鸞釵映月寒鐸
鐸不知桂樹在何處仙人不下雙金莖百尺相風
挿重屋側近媽紅伴柔絲百勞不識對月郎湘竹
千條爲一束

李夫人

蠻絲繫條脫妍眼和香屑壽宮不惜鑄南人柔腸
早被秋眸割清澄有餘幽素香鰥魚渴鳳真珠房

不知瘦骨類冰井更許夜簾通曉霜土花漠漠雲
怵怵黃河欲盡天蒼蒼

七言古

終

